


舍利弗阿毘曇論

古籍

才十四

四百十九
面二前

50901



元祿九年丙子二月日重脩

皇圖環固 帝階級昌
佛日增輝 懋輪常轉

山城州天安寺法金剛院置

松平國書院藏

115

舍利弗阿毘曇論卷第十四

面

姚秦天竺三藏曇摩耶舍共曇摩崛多譯

非問分道品之餘

何謂五根信根進根念根定根慧根是名五

根五力亦如是何謂五解脫處謂比丘不放

逸勤念正智寂靜行心未解脫得解脫諸漏

未盡得漏盡未得無上安隱得安隱何謂五

若世尊為比丘說法若師說若慧梵淨行者

說隨順如來說若師若慧梵淨行者說聽已

受法受義受法受義已生悅悅已生喜喜已

得身除身除已受樂受樂已心定心定已如

實知見如此比丘不放逸勤念正智寂靜行心



未解脫得解脫諸漏未盡得漏盡未得無上
安隱得安隱是名初解脫處復次比丘非世
尊非師非慧梵淨行者說時如先所聞法廣
讀誦通利如此比丘先所聞法廣讀誦通利受
法受義如此比丘受法受義已生悅悅已生喜
喜已得身除身除已受樂受樂已心定心定
已如實知見比丘如是修發逸勤念正智寂
靜行心未解脫得解脫諸漏未盡得漏盡未
得無上安隱得安隱是名第二解脫處復次
比丘非世尊非師非慧梵淨行者說時非先
所聞法廣讀誦通利時如此比丘先所聞法通
利廣為他說如此比丘隨彼所聞法通利廣為

他說受法受義比丘受法受義已生悅悅已
生喜喜已得身除身除已受樂受樂已心定
心定已如實知見比丘如是不放逸勤念正
智寂靜行心未解脫得解脫諸漏未盡得漏
盡未得無上安隱得安隱是名第三解脫處
復次如比丘非世尊非阿羅漢非慧梵淨行者說時

非先所聞法廣讀誦通利時非先所聞法通
利廣為他分別時如比丘先所聞法通利自
心分別如比丘隨所聞法通利自心分別受
法受義比丘受法受義已生悅悅已生喜喜
已得身除身除已受樂受樂已心定心定已如
實知見比丘如是不放逸勤念正智寂靜行

他說受法受義比丘受法受義已生悅悅已
生喜喜已得身除身除已受樂受樂已心定
心定已如實知見比丘如是不放逸勤念正
智寂靜行心未解脫得解脫諸漏未盡得漏
盡未得無上安隱得安隱是名第三解脫處
復次如比丘非世尊非阿羅漢非慧梵淨行者說時

非先所聞法廣讀誦通利時非先所聞法通
利廣為他分別時如比丘先所聞法通利自
心分別如比丘隨所聞法通利自心分別受
法受義比丘受法受義已生悅悅已生喜喜
已得身除身除已受樂受樂已心定心定已如
實知見比丘如是不放逸勤念正智寂靜行

心未解脫得解脫諸漏未盡得漏盡未得無
上安隱得安隱是名第四解脫處復次比丘
非世尊非師非慧梵淨行者說時非先所聞
法廣讀誦通利時非先所聞法通利廣爲他
分別時非先所聞法通利自心分別時如比
丘善取定相善思惟善解射比丘善取定想
善思惟善解射已受法受義受法義義已生
悅悅已生喜喜已得身除身除已受樂受樂
已心定心定已如實知見比丘如是不放逸
勤念正智寂靜行心未解脫得解脫諸漏未
盡得漏盡未得無上安隱得安隱是名第五
解脫處是名五解脫處五出界如界品說云

何五觀定如正信經舍利弗白佛言世尊復
有無勝法如世尊說法入定觀世尊有此入
定觀或有沙門婆羅門勤精進勇猛正思惟
多學行心如法思惟入定入定已觀身從頂
至足從足至頂乃至薄皮皆是不淨是名初
入定觀復次或有沙門婆羅門勤精進勇猛
正思惟多學行心如法思惟入定入定已不
觀皮血肉但觀人骨此身中有骨齒爪是名
第二入定觀復次或有沙門婆羅門勤精進
勇猛正思惟多學行心如法思惟入定入定
已不觀皮血肉骨但觀人識識住此世住他
世識未斷不離二世是名第三入定觀復次

或有沙門婆羅門勤進勇猛正思惟多學行
心如法思惟入定入定已不觀皮血肉骨復
觀人識識不住此世住他世識斷離此世未
斷離他世是名第四入定觀復次或有沙門
婆羅門勤進勇猛正思惟多學行心如法思
惟入定入定已不觀皮血肉骨復觀人識識
不住此世不住他世識善斷離二世是名第
五入定觀如是無勝入定觀世尊善知無勝
世尊善通達無有能過者如我意所知或有
沙門婆羅門能勝出世尊知者無有是處是
名第五入定觀何謂五起解脫法如世尊說
五法親近多修學已得解脫何謂五如比丘

觀身不淨想觀食不淨想觀諸行無常想觀
世不樂想觀身死想如是五法親近多修學
能得解脫是名五起解脫法

云何六念念佛乃至念天何謂念佛以佛為
境界念善順不逆是名念佛何謂念法以法
為境界念善順不逆是名念法何謂念僧以
僧為境界念善順不逆是名念僧何謂念戒
戒謂身口戒以戒為境界念善順不逆是名念
戒何謂念施施有二種財施法施以施為境
界念善順不逆是名念施何謂念天名過搏
食化生天彼天不觀宿業不分別宿業以天
為境界念善順不逆是名念天是名六念六空

如空三昧說六出界如界品說何謂六明分
法如世尊說六法親近多修學生明得明分
能令明廣大何謂六無常想無常苦想苦無
我想食不淨想一切世間不樂想無想何謂
無常明分想如比丘或樹下露處作是思惟
色無常受想行識無常若如是五受陰觀無常
行如世尊說有爲法三相生住滅如是比丘
思惟生住滅調心修令柔軟柔軟已思惟色
無常受想行識無常行人若想憶想是名無
常想親近多修學親近多修學已生明得明
得明分能令明廣大是名無常想明分法何
謂無常苦想明分如比丘或在樹下露處如

是思惟色無常若無常則是苦受想行識無
常若無常則是苦若是五受陰觀苦行如世
尊說若色生住即是生苦有病有老死若受
想行識生住即是生苦有病有老死復次如
世尊說三苦行苦苦變易苦何謂行苦苦五
受陰行自性苦形或苦自相苦是名行苦何
謂苦苦五受陰行自性苦生等生起等起出
等出具足成就生種種病因熱生病因痰陰
因風因過力因力因他惱因時變因諸大相
違因食飲不消因宿業報因諸大不調生病生
眼病耳鼻舌身病生頭痛面痛口齒咽痛腎
痛病生虵身病呼呷痛聲嗽病嘔吐病生疔

病身熱腹痛病生癰胞疥瘙微風痔姪瘡癰
疽白癩乾枯顛狂病生痔病癰下赤腫虫食
病等蚤壁虱蚊虻蟻子此身乃至一毛處無
不有虫如人癰瘡上生毒腫五受陰行性苦
亦如是生等生起等起出具足成就生
種種病因熱生病乃至一毛處無不有虫是
名苦苦何謂變易苦如五受陰行轉變衰熟
壞敗盡滅終沒離滅是名變易苦如比丘於
彼行苦苦苦苦變易苦調心修令柔軟柔軟已
思惟色苦苦思惟受想行識苦苦如行人若憶
想是名無常苦想親近多修學生明得明得
明分能令明廣大是名無常苦想明分法何

謂苦無我想明分法如比丘在樹下露處如
是思惟色無常若無常即是苦苦若苦即無我
受想行識無常若無常即是苦苦若苦即是無
我若於此想五受陰觀無我行如世尊說色
無我色若是我色應不受苦患色應得自在
如是有如是非有以色非我故色受苦患色
不得自在如是有如是非有受想行識無我
受想行識若是我識不應受苦患識應得自
在如是有如是非有如比丘如是調心修令
柔軟柔軟已思惟色無我受想行識無我如
行人若想想是名苦無我想親近多修學
生明得明得明分能令明廣大是名苦無我

想明分法何謂食不淨想明分法何等食食
有四種謂搏食觸食思食識食如世尊說衆
生有四種食食此食能令衆生任能令陰和
合能有利益何等四一謂搏食二觸食三思
食四識食何等謂搏食搏食有二種鹿細何
謂鹿除天淨食天香食除衣服澡浴調身食
若餘搏食是名鹿搏食何謂細搏食天淨食
天香食衣服澡浴調身食是名細搏食復次
鹿搏食除天香食除衣服澡浴食若餘搏食
是名鹿搏食復次細搏食天香食衣服澡浴
調身食是名細搏食何謂觸食六觸眼觸耳
鼻舌身意觸是名觸食何謂思食六思身色

思聲香味觸法思是名六思身是名思食何
謂識食六識身眼識耳鼻舌身意識是名六
識身是名識食搏食或是食或非食觸思識
食或是食或非食何謂搏食是食若緣搏食
得諸根增長不損壞不減壽是名搏食是食
云何搏食非食若緣搏食諸根不增長損壞
減壽是名搏食非食何謂觸思識食是食若
緣識食諸根增長不損壞不減壽是名識食
是食何謂識食非食若緣識食諸根不增長
損壞減壽是名識食非食比丘受搏食如食
子肉觀不淨想觸思識食有解射想思惟滅
依離欲染如行人若想憶想是名食不淨想

親近多修學已生明得明分能令明廣
大是名食不淨想明分法何謂一切世間不
樂想明分法如比丘於一切世間厭離不樂
地獄世畜生世餓鬼世人世天世衆生世行
世厭離不樂如比丘於此世間有取心者必
執所見如比丘斷離不受如是諸見如行人
若回想想是名一切世間不樂想親近多修
學已生明得明分能令明廣大是名一
切世間不樂想明分法何謂死想明分法如
比丘或在樹下露處如是思惟我是死法有
死過患若餘衆生亦有死法有死過患若地
獄畜生餓鬼人天及一切衆生往來生死得

名衆生者皆有死法有死過患比丘思惟陰
壞捨身憶念死比丘思惟死知死解死覺死
如行人若想憶想是名死想親近多修學已
生明得明得明分能令明廣大是謂死想明
分法是名六明分法何謂六悅因法如比丘
悅已生喜喜已得身除身除已受樂受樂已
心定心定已如實知見是名六悅因法何謂
無喜六正覺念正覺乃至捨正覺是名無喜
六正覺何謂七正覺念正覺乃至捨正覺是名
七正覺何謂七想如世尊說七想親近多修
學得大功德得至甘露何謂七不淨想食獸
想一切世間不樂想死想無常想無常苦想

苦無我想謂不淨想親近多修學多修學已
得大果報得大功德得至甘露以何緣故作
是說如比丘心知分別不淨想令欲心退沒
不展當漸漸除盡背捨厭離已正住如筋如
鳥翔如頭羅草投於火中焦捲不展後便消
盡比丘如是心知分別不淨想令欲心退後
不展後便消盡背捨厭離已正住如比丘或
有心知分別不淨想心於欲想猶生津漏如
本無異心不背捨不厭離不正住比丘如實
自知我僂爲未修不淨想我未增益異名色
我未得修果報如是比丘有正智如比丘心
知分別不淨想於欲想心不生津漏於本有

異背捨厭離正住比丘如實正知我已修不
淨想我有增益異名色我得修果報此比丘
有正智行不淨想親近多修學已得大果報
得大功德得至甘露以是因緣故說如食不
淨想親近多修學已得大果報得大功德得
至甘露以何因故作是說如比丘心知分別
食不淨想於搏食心退沒不進漸當除盡背
捨厭離已正住如筋如鳥翔如頭羅草投於
火中焦捲不展後便消滅比丘如是心知分
別搏食不淨想令搏食淨想退沒不進漸當
除盡背捨厭離已正住如比丘或有心知分
別搏食不淨想心於搏食猶生津漏如本無

異心不背捨不厭離不正住比丘如實自知
我便爲未修搏食不淨想我未增益異名色
我未得修果報如是比丘有正智如比丘心
知分別搏食不淨想於搏食心不生津漏於
本有異背捨厭離正住比丘如實正知我已
修搏食不淨想我有增益於異名色我得修
果報此比丘有正知搏食不淨想親近多修
學已得大果報得大功德得至甘露以是因
緣故說如一切世間不樂想親近多修學已
得大果報得大功德得至甘露以何因緣故
作是說如比丘心知分別一切世間不樂想
世間種種想心退沒不進漸當除盡背捨厭

離已正住如筋如鳥翔如頭羅草投於火中
焦捲不展後便消滅比丘如是心知分別一
切世間不樂想今世間種種想退沒不進漸
當除盡背捨厭離已正住如比丘或有心知
分別一切世間不樂想世間種種想心猶生
津漏如本無異不背捨不厭離不正住比丘
如實自知我便爲未修一切世間不樂想我
未增益異名色我未得修果報如是比丘有
正智如比丘心知分別一切世間不樂想於
世間種種想心不生津漏於本有異背捨厭
離正住比丘如實正知我已修一切世間不
樂想我有增益異名色我得修果報此比丘

有正智一切世間不樂想親近多修學多修
學已得大果報得大功德得至甘露以是因
緣故說如死想親近多修學已得大果報得
大功德得至甘露以何因緣故作是說如比
丘心知分別死想倚恃命根而自貢高以命
根決定堪忍常住心貪著命根如是盡斷無
餘如比丘或有心知分別死想倚恃命根而
自貢高以命根決定堪忍常住心貪著命根
如是未斷比丘如實自知我便爲未修死想
我未增益異名色我未修果報如是比丘有
正智如比丘心知分別死想倚恃命根而自
貢高以命根決定堪忍常住心貪著命根如

是盡斷無餘如比丘如實自知我已修死想
增益異名色我得果報如是比丘有正智死
想親近多修學已得大果報得大功德得至
甘露以是因緣故說如無常想親近多修學
已得大果報得大功德得至甘露以何因緣
故作是說如比丘心知分別無常想於利養
名譽恭敬心退沒不進漸當除盡背捨厭離
已正住如筋如鳥翔如頭羅草投於火中焦
捲不展後便消盡比丘如是心知分別無常
想於利養名譽恭敬心退沒不進漸當除盡
背捨厭離已正住如比丘或有心知分別無
常想於利養名譽恭敬心猶生津漏如本無

異不背捨不厭離不正住比丘如實自知我
便爲未修無常想我未增益異名色我未得
修果報如是比丘如實自知如比丘心知分
別無常想於利養名譽恭敬心不生津漏於
本有異背捨厭離正住比丘如實正知我已
修無常想我有增益異名色我得修果報比
丘有正智無常想親近多修學已得
大果報得大功德得至甘露以是因緣故說
如無常苦想親近多修學已得大果報得大
功德得至甘露以何因緣故作是說如比丘
心知分別無常苦想於懈怠窳墮不信放逸
不勤不觀等生恐怖大畏切逼想如臨死舉

力觀無常苦想比丘或有心知分別無常苦
想於窳墮懈怠不信放逸不勤不觀等不生
恐怖大畏切逼想非如臨死舉力如比丘如
實自知我便爲未修無常苦想我未增益異
名色我未得修果報如是比丘如實自知如
比丘心知分別無常苦想於窳墮懈怠不信
放逸不勤不觀等生恐怖大畏切逼想如臨
死舉力觀無常苦想如比丘如實正知我已
修無常苦想我增益異名色我得修果報此
比丘有正智無常苦想親近多修學已得大
果報得大功德得至甘露以是因緣故說如
苦無我想親近多修學已得大果報得大功

德得至甘露以何緣故作是說如比丘心知
分別苦無我想於諸有識身及諸外物計我
我所生憍慢等俱離寂靜正解脫如比丘或
有心分別若無我想於諸有識身及諸外物
計我我所生憍慢等心猶不離不寂靜不解
脫如比丘如實自知我未修苦無我想
未增益異名色無我未得修果報如是比丘
如實自知如比丘心知分別苦無我想於諸
有識身及諸外物計我我所生憍慢等心俱
離寂靜正解脫如是比丘如實知我已修苦
無我想我增益異名色得修果報此比丘有
正智苦無我想親近多修學已得大果報得

大功德得至甘露以是因緣故說是名七想
何謂七定因緣法正見正覺正語正業正命
正進正念是名七定因緣法

何謂八聖道正見乃至正定是名八聖道何
謂八解脫色觀色解脫是名初解脫內無色
想觀外色是名第二解脫淨解脫是名第三
解脫離一切色想滅瞋恚想不思惟若干想
成就無邊空處是名第四解脫離一切空處
成就無邊識處行是名第五解脫離一切識
處成就無所有處是名第六解脫離一切無
所有處成就非想非非想處是名第七解脫
離一切非想非非想處成就滅受想行是名

第八解脫何謂色觀色初解脫如比丘不滅
內色想取外色想比丘以外色調心修令柔
軟修令柔軟已得色解脫如比丘心知分別
外色想心向彼尊上彼傾向彼以彼解脫何
謂色如比丘未分別內色未滅不沒不除是
名色何謂觀若外色以眼識曾見如實見微
見緣見以意識分別如實分別微分別緣分
別是名觀何謂初八解脫次順不逆以次入
定行是初是始是前是名初何謂得解脫
向彼尊上彼傾向彼以彼得解是名解脫何
謂內無色想觀外色第二解脫如比丘滅內
色想已取外色想以外色調心修令柔軟修

令柔輒已得解脫如比丘心知分別外色想
心向彼尊上彼傾向彼以彼解脫何謂內無
色想如比丘內色想分別滅沒除已名內
無色想何謂觀若外色以眼識曾見如實見
微見緣見以意識分別如實分別微分別緣
分別名觀何謂第二八解脫以次順不逆
以次入定行第二與初無有中間是名第二
何謂解脫心向彼尊上彼傾向彼以彼得解
脫是名解脫何謂第三淨解脫如比丘取一
淨色想若火相日月星宿摩尼珠七寶宮殿
綵色衣被華果金銀銅環琉璃真珠珂貝珊
瑚玉石及餘寶性比丘取是諸淨色相已得

淨解脫比丘心知分別淨色相心向彼尊上
彼傾向彼以彼爲解脫何謂淨諸色好展轉
相照適意觀無厭是名淨何謂解心向彼是
名解何謂第三八解脫以次順不逸以次入
定行第三與二無有中間是名第三何謂解
脫心向彼尊上彼傾向彼以彼解脫是名解
脫何謂離一切色想滅瞋恚想不思惟若干
想成就無邊空處行第四解脫何謂色想想若
眼識相應想是名色想想何謂瞋恚想想若忿怒
相應想是名瞋恚想想何謂若干想想若外穢濁
非善分想是名若干想想復次色想想若不離色
界想想及眼識相應是名色想想復次瞋恚想想若

五識身相應想及忿怒相應想是名瞋恚想
復次若干想若諸衆生諸物諸境界諸清淨
諸煩惱是名若干想如比丘離一切色想滅
瞋恚想不思惟若干想如比丘身中孔若耳
孔鼻孔口門飲食入處飲食住處飲食出處
思惟空知空解空受空如比丘知身有飲猶
如蒜皮思惟漸令薄知薄解薄受薄思惟漸
令破散知破散解破散受破散如是比丘知
內色想已若外物中孔若地中孔穴井瓮坑
谷坎窟思惟空知空解空受空如比丘分別
內外色想已觀空處寂靜思惟無邊空知無
邊空解無邊空受無邊空如行人若想想憶想

是名空處想此想與定共生共住共滅是名
入空處定復次比丘大地及須弥山作火聚
想思惟烟知烟解烟受烟思惟然知然解然
受然思惟燒知燒解燒受燒已比丘思惟無
邊空處寂靜勝思惟無邊空處知解受無邊
空處寂靜勝如行人若想想憶想是名空處想
此想與定共生共住共滅是名入空處定復
次比丘如是思惟若現世欲想未來欲想現
世色想未來色想此想麁空處想寂靜勝微
細善淨比丘思惟無邊空處寂靜勝處知解
受無邊空處寂靜勝如行人若想想憶想是名
空處想此想與定共生共住共滅是名入空

處定復次比丘如是思惟現世欲想未來欲
想現在色想未來色想此想麁但無邊空處
永滅無餘寂靜勝比丘思惟無邊空處寂靜
知解受無邊空處如行人若想憶想是名空
處想此想與定共生共住共滅是名入空處
定何謂第四入解脫以次順不逆以次入定
行第四與三無有中間是名第四何謂解脫
心向彼尊上彼傾向彼以彼解脫是名解脫
何謂離一切空處成就無邊識處行是第五
解脫如比丘如是思惟我已成就無邊空處
行頗有法勝無邊空處不比丘便作是念唯
有空處行如人以大器覆小器如是思惟此

器勝彼器此器以何因故勝我以此器覆彼
器故如比丘如是思惟我已遍解無邊空處
行頗有法勝無邊空處不比丘便作是念唯
有識勝無邊空處行識以何因故勝我以識
遍解無邊空處故如比丘思惟無邊識處寂
靜知解受無邊識處空寂靜如行人若想憶
想是名識處想此想與定共生共住共滅是
名入識處定復次比丘如是思惟若現在欲
想未來欲想現在色想未來色想空處想等
處識處想寂靜勝比丘思惟無邊識處寂靜
勝知解受無邊識處寂靜勝如行人若想憶
想是名識處想此想與定共生共住共滅是

名入識處定復次比丘如是思惟若現在欲
想未來欲想現在色想未來色想空處想等
但識處永滅無餘唯識處寂靜勝比丘思惟
無邊識處寂靜勝知解受無邊識處寂靜勝
如行人若想憶想是名識處想此想與定共
生共住共滅是名入識處定復次比丘如是
思惟無邊空處入處無邊識處入寂靜勝微
細善淨如比丘思惟無邊識處寂靜勝知解
受無邊識處寂靜勝如行人若想憶想是名
識處想此想與定共生共住共滅是名入識
處定復次比丘如是思惟若入空處定處若
入識處定寂靜勝微細善淨如比丘思惟無

邊識處寂靜勝知解受無邊識處寂靜勝
如行人若想憶想是名識處想此想與定
共生共住共滅是名入識處定何謂第五八
解脫以次順不逆以次入定行第五與四無
有中間是名五何謂解脫心向彼尊上彼傾
向彼以彼解脫是名解脫何謂離一切識處
成就無所有處行是第六解脫如比丘如是
思惟我已遍解無邊識處行頗有法勝無邊
識處不比丘便作是念唯有識無所有處勝
如比丘思惟無所有處寂靜勝知解受無所
有處寂靜勝如行人若想憶想是名無所有
處想此想與定共生共住共滅是名入無所

有處定復次比丘如是思惟我非我所有
我所非我有如比丘思惟無所有處寂
靜勝知解受無所有處寂靜勝如行人若
憶想是名無所有想處此想與定共生共
住共滅是名入無所有處定復次比丘觀
一切世間空世間空已想無依止處如
比丘思惟無所有處寂靜勝知解受無
所有處寂靜勝如行人若憶想是名無
所有處想此想與定共生共住共滅是
名入無所有處定復次比丘以大地須
彌山作火聚想思惟烟知解受烟思
惟然知解受然思惟燒知解受燒燒
已比丘思惟無所有處寂靜勝知解受
無所

有處想寂靜勝如行人若想憶想是名無所
有處想此想與定共生共住共滅是名入無
所有處定復次比丘如是思惟若現在欲想
未來欲想現在色想未來色想空處想識處
想此想麤無所有處想寂靜勝微細善淨如
比丘思惟無所有處寂靜勝知解受無所有
處想此想與定共生共住共滅是名入無所
有處定復次比丘如是思惟若現在欲想未
來欲想現在色想未來色想空處想識處想
無餘寂靜勝如比丘思惟無所有處寂靜勝
知解受無所有處寂靜勝如行人若想憶想
此想與定共生共住共滅是名入無所有處

定復次比丘如是思惟無邊空處入鹿識處
入鹿無所有處入寂靜勝微細善淨如比丘
思惟無所有處寂靜勝知解受無所有處寂
靜勝如行人若想念想是名無所有處想此
想與定共生共住共滅是名入無所有處定復
次比丘如是思惟若入空處定識處定鹿若
入無所有處定寂靜勝微細善淨如比丘思
惟無所有處寂靜勝知解受無所有處寂靜
勝如行人若想念想是名無所有處想此想
與定共生共住共滅是名入無所有處定何
謂第六八解脫以次順不逆以次入定行第
六與五無有中間是名六何謂解脫心向彼

尊上彼傾向彼以彼解脫是名解脫何謂離
 一切無所有處成就非想非非想處行是第
 七解脫如比丘如是思惟想是我過患想是
 癡瘡想是我箭非想非非想處寂靜勝比丘
 思惟非想非非想處寂靜勝知解受非想非
 非想處寂靜勝如行人若想憶想是名非想
 非非想處想此想與定共生共住共滅是名
 入非想非非想處定復次比丘如是思惟若
 現在欲想未來欲想現在色想未來色想空
 處想識處想無所有處想等處非想非非想
 處想寂靜勝微細善淨比丘思惟非想非非
 想處寂靜勝知解受非想非非想處寂靜勝

如行人若想憶想是名非想非非想處想此
想與定共生共住共滅是名入非想非非想
處定復次比丘如是思惟若現在欲想未來
欲想現在色想未來色想空處想識處想無
所有處想但非想非非想處永滅無餘寂靜
勝比丘思惟非想非非想處寂靜勝知解受
非想非非想處寂靜勝如行人若想憶想是
名非想非非想處想此想與定共生共住共
滅是名入非想非非想處定復次比丘如是
思惟若無邊空處入無邊識處入無所有處
入處非想非非想處入寂靜勝微細善淨比
丘思惟非想非非想寂靜勝知解受非想非

非想處寂靜勝如行人若想憶想是名非想
非非想處想此想與定共生共任共滅是名
入非想非非想處定復次比丘如是思惟若
入無邊空處定若入識處定若入無所有處
定處若非想非非想處寂靜勝微細善淨比
丘思惟非想非非想處寂靜勝知解受非想
非非想處寂靜勝如行人若想憶想是名非
想非非想處想此想與定共生共任共滅是
名入非想非非想處定何謂第七八解脫以
次順不逆以次入定行第七與六無有中間
是名七何謂解脫心向彼尊上彼傾向彼以
彼解脫是名解脫何謂離一切非想非非想

處成就滅受想定是第八解脫如比丘依戒
任戒增修二法定慧依定慧滅受想定若滅受
想是名滅盡定復次比丘任觸證勝想任觸
證勝想時如是思惟我有思猶惡無思便善
我有思則有作有作則爲有樂想有樂想則
有餘地麁想生比丘如是思惟若我無思無
作無作已則樂想不生樂想不生餘地麁想
亦不生如比丘無思惟無作無作已則樂想
滅樂想滅餘地麁想亦滅得觸證滅盡定何
謂第八解脫次順不逆以次入定行第八與
七無有中間是名八何謂解脫心向彼尊上
彼傾向彼以彼解脫是名解脫是名八解脫

云何八勝處非八解入內色想觀外色少好
色非好色勝知勝見有如是想內色想觀外
色無量好色非好色勝知勝見有如是想內
無色想觀外色少好色非好色勝知勝見有
如是想內無色想觀外色無量好色非好色
勝知勝見有如是想內無色想觀外色青青
色青光如優摩華青青色青光如波羅捺衣
善染青青色青光觀如是妙色青青色青光
勝知勝見有如是想內無色想觀外色黃黃
色黃光如迦尼伽羅華黃黃色黃光如波羅
捺善染衣黃黃色黃光觀如是妙色黃黃色
黃光勝知勝見有如是想內無色想觀外色

赤赤色赤光如槃頭華赤赤色赤光如波羅
捺善染衣赤色赤光觀如是妙色赤赤色赤
光勝知勝見有如是想內無色想觀外色白
白色白光如鹵土星白白色白光如波羅捺
善浣衣白白色白光觀如是妙色白白色白
光勝知勝見有如是想何謂內色想觀外色
少好色非好色勝知勝見有如是想謂比丘
未滅內色想取外少色好色非好色適意不
適意可惡不可惡比丘以外少色調心修令
柔輒修令柔輒已得色勝解脫比丘知見分
別外少色心向彼尊上彼傾向彼以彼勝解
何謂內色想比丘未滅內色想不滅不沒不

除是名內色想何謂觀外色若外少色眼識
曾見如實見緣見意識分別如實分別緣分
別是名觀外色何謂少若可計數量非無邊
無量非阿僧祇非無邊無際是謂少何謂好
色非好色淨不淨是名好色非好色何謂勝
知勝見彼勝解是名勝知勝見何謂有如是
想若有不散不相離一向少色想是名有
如是想何謂內色想觀外色無量好色非好
色勝知勝見有如是想謂比丘不減少色想
取外無量色想好色非好色適意非適意可
惡不可惡比丘以彼外無量色調心修令柔
軟修令柔軟已得勝色解比丘知見分別外

無量色心向彼尊上彼於彼勝解何謂內色
想比丘未滅內色想未沒未除是名內色想
何謂觀外色若外無量色眼識曾見如實見
緣見意識分別緣分別是名觀外色何謂無
量非少非可稱量無邊無量阿僧祇無邊無
際是名無量何謂好色非好色若淨不淨是名
好色非好色何謂勝知勝見若於彼法勝受
已知見分別是名勝知勝見何謂有如是想
若想不散不相離一定無量色想是名有
如是想何謂內無色想觀外色青青色青光
若於是色勝知見有如是想如比丘滅內色
想已取外青色想比丘以外青色調心修令

柔輒柔輒已得色勝解比丘知見分別外青
色心向彼尊上彼傾向彼於彼勝解何謂內
無色想內色想滅沒除是名內無色想何謂
觀外色若外青色眼識曾見如實見緣見意
識分別如實分別緣分別是名觀外色何謂
青青有二種有性青染青是名青何謂勝知
見若於彼色受已知見分別心向彼尊上彼
傾向彼於彼勝解是謂勝知見何謂有如是
想若有想不分散不相離一定青想是名有
如是想何謂內無色想觀外色黃黃光於是
色勝知見有如是想如比丘滅內色想取外
黃色想比丘以外黃色調心修令柔輒柔輒

已得黃勝解比丘知見分別外黃色心向彼
尊上彼傾向彼於彼勝解何謂內無色想比丘
內色想滅沒除是名內無色想何謂觀外色
若外黃色眼識曾見如實見緣見意識分別
如實分別緣分別是名觀外色何謂黃黃有
二種有性黃染黃是謂黃何謂勝知見若於
彼色勝受已知見分別心向彼尊上彼傾向
彼於彼勝解是名勝知見何謂有如是想若
有想不散不相離想一定黃是謂有如是
想何謂內無色想觀外色赤赤光若於是色
勝知見有如是想如比丘滅內色想已取外赤
色想比丘以外赤色調心修令柔軟柔軟已

比丘得赤勝解比丘知見分別赤色心向彼
尊上彼傾向彼於彼勝解何謂內無色想比
丘內色想滅沒除是謂內無色想何謂觀外
色若外赤色眼識曾見如實見緣見意識分
別如實分別緣分別是謂觀外色何謂赤赤
有二種有性赤有染赤是名赤何謂勝知見
若於彼色勝受已知見分別心向彼尊上彼
傾向彼於彼勝解是謂勝知見何謂有如是
想若有想不散不相離一定赤是名有如是
是想何謂內無色想觀外色白白光若於是
色勝知見有如是想如比丘滅內色想取外
白色想比丘取外白色調心修令柔軟柔軟

已得白勝解比丘知見分別白色心向彼尊
上彼傾向彼於彼勝解何謂內無色想比丘
內色想滅沒除是謂內無色想何謂觀外色若
外白色眼識曾見如實見緣見意識分別如
實分別緣分別是名觀外色何謂白白有二
種有性白染白是名白何謂勝知見若於彼
色勝受已知見分別心向彼尊上彼傾向彼
於彼勝解是名勝知見何謂有如是想若有
想不分散不相離一定白色是謂有如是想
是名八勝處

何謂九滅若入初禪定言語刺滅若入二禪
定覺觀刺滅若入三禪定喜刺滅若入四禪

定出息入息刺滅若入空處定色想刺滅若
入識處定空處刺滅若入無所有處定識處
刺滅若入非想非非想定無所有處刺滅若
入滅盡定受想刺滅是名九滅何謂九次第
定如比丘離欲惡不善法有覺有觀離生喜
樂成就初禪行乃至離非想非非想處成就
滅受想定是名九次第定何謂九想不淨想
食馱想一切世間不樂想死想無常想無
常苦想苦無我想斷想離欲想是名九想何
謂十想不淨想食馱想一切世間不樂想死
想無常苦想苦無我想斷想離欲想滅想是
名十想何謂十直正見正覺正語正業正命

正進正念正定正解脫正智是名十直何謂
十一切入地一切入以一想上下縱廣無二
無量水一切入火一切入風一切入青一切
入黃一切入赤一切入白一切入空一切入
識一切入以一想上下縱廣無二無量何謂
地一切入以一想上下縱廣無二無量何謂
地地謂地界地大是名地何謂一切若盡無
餘方便是名一切何謂一若獨非餘界如人
入地一切入是名一何謂想想若不分散不
相離一向地想是名想想何謂上下縱廣上謂
虛空下謂地縱廣謂四方如人若上下縱廣
皆思惟地知解受地是名上下縱廣何謂無

二無量上無二下無二縱廣無二上無量下
無量縱廣無量無二想唯有地想無量無邊
阿僧祇無邊無際於地無異想是名無二無
量何謂水一切入一想上下縱廣無二無量
何謂水水界水大是名水何謂一切若盡無
餘方便是名一切何謂一若獨非餘界如人
入水一切入是名一何謂想若想不散不
相離一向水想是謂想何謂上下縱廣上謂
虛空下謂地縱廣謂四方如人若上下縱廣
皆思惟水知解受水是名上下縱廣何謂無
二無量上無二下無二縱廣無二上無量下
無量縱廣無量無二想唯有水想無量無邊

阿僧祇無邊無際於水無異想是名無二無
量何謂火一切入一想上下縱廣無二無量
何謂火火界火大是名火何謂一切若盡無
餘方便是名一切何謂一若獨非餘界如人
入火一切入是名一何謂想若想不散不
相離一向火想是名想何謂上下縱廣上謂
虛空下謂地縱廣謂四方如人上下縱廣何
謂無二無量上無二下無二縱廣無二上無
量下無量縱廣無量無二想唯有火想無量
無邊阿僧祇無邊無際於火無異想是名無
二無量何謂風一切入一想上下縱廣無二
無量何謂風風界風大是名風何謂一切若

盡無餘方便是名一切何謂一若獨非餘界
如人入風一切入是名一何謂想若想不分
散不相離一向風想是名想何謂上下縱廣
上謂虛空下謂地縱廣謂四方如人上下縱
廣皆思惟風知解受風是謂上下縱廣何謂
無二無量上無二下無二縱廣無二上無量
下無量縱廣無量無二想唯有風想無量無
邊阿僧祇無邊無際於風無異想是名無二
無量何謂青一切入一想上下縱廣無二無
量何謂青青有二種性青染青是名青何謂
一切若盡無餘方便是名一切何謂一若獨
非餘如人入青一切入是名一何謂想若想

不分散不相離一向青想是名想何謂上下
縱廣上謂虛空下謂地縱廣謂四方如人上
下縱廣皆思惟青知解受青是謂上下縱廣
何謂無二無量上無二下無二縱廣無二上
無量下無量縱廣無量無二想唯有青想無
量無邊阿僧祇無邊無際於青無異想是名
無二無量何謂黃一切入一想上下縱廣無
二無量何謂黃黃有二種性黃染黃是名黃
何謂一切若盡無餘方便是名一切何謂一
若獨非餘如人入黃一切入是名一何謂想
若想不散不相離一向黃想是名想何謂
上下縱廣上謂虛空下謂地縱廣謂四方如

人上下縱廣皆思惟黃知解受黃是名上下
縱廣何謂無二無量上無二下無二縱廣無
二上無量下無量縱廣無量無二想唯有黃
想無量無邊阿僧祇無邊無際於黃無異想
是名無二無量何謂赤一切入一想上下縱
廣無二無量何謂赤赤有二種性赤染赤是
名赤何謂一切若盡無餘方便是名一切何
謂一若獨非餘如人入赤一切入是名一何
謂想想若想不散不相離一向赤想是名想
何謂上下縱廣上謂虛空下謂地縱廣謂四
方如人上下縱廣皆思惟赤知解受赤是名
上下縱廣何謂無二無量上無二下無二縱

廣無二上無量下無量縱廣無量無二想唯
有赤想無量無邊阿僧祇無邊無際於赤無
異想是名無二無量何謂白一切入一想上
下縱廣無二無量何謂白白有二種性白染
白是名白何謂一切若盡無餘方便是名一
切何謂一若獨非餘如人入白一切入是名
一何謂想想若想不散不相離一向白想是
名想想何謂上下縱廣上謂虛空下謂地縱廣
謂四方如人上下縱廣皆思惟白知解受白
是名上下縱廣何謂無二無量上無二下無
二縱廣無二上無量下無量縱廣無量無二
想唯有白想無量無邊阿僧祇無邊無際於

白無異想是名無二無量何謂空一切入一
想上下縱廣無二無量何謂空空有二種內
空界外空界是名空何謂一切若盡無餘方
便是名一切何謂一若獨非餘如人入空一
切入是名一何謂想若想不散不相離一
向空想是名想何謂上下縱廣上謂虛空下
謂地縱廣謂四方如人上下縱廣皆思惟空
知解受空是名上下縱廣何謂無二無量上
無二下無二縱廣無二上無量下無量縱廣
無量無二想唯有空想無量無邊阿僧祇無
邊無際於空無異想是名無二無量何謂識
一切入一想上下縱廣無二無量何謂識六

識身眼識身耳鼻舌身意識身是名識何謂一
切若盡無餘方便是名一切何謂一若獨非
餘如人入識一切入是名一何謂想若想不
分散不相離一向識想是名想何謂上下縱
廣上謂虛空下謂地縱廣謂四方如人上下
縱廣思惟識知解受識是名上下縱廣何謂
無二無量上無二下無二縱廣無二上無量
下無量縱廣無量無二想唯有識想無量無
邊阿僧祇無邊無際於識無異想是名無二
無量是名十一切入
何謂十一解脫入如陀舍長者詣阿難所誓
首畢却坐一面問尊者阿難言頗有一法如

比丘不放逸勤念正智寂靜行心未解脫得
解脫諸漏未盡得漏盡未得無上安隱得安
隱不尊者阿難荅隨舍長者言有也長者問
言何者是阿難謂長者言如比丘離欲惡不
善法有覺有觀離生喜樂成就初禪行比丘
如是思惟此定正學正生若一切正學正生
已盡知是無常滅法比丘如實知見斷一切
諸漏心得解脫雖未斷諸漏比丘以法欲法
樂故斷五下分煩惱於彼化生而般涅槃不
還此世長者此是一法如比丘不放逸勤念正
智寂靜行心未解脫得解脫諸漏未盡得漏
盡未得無上安隱得安隱復次長者如比丘

滅覺觀內正信一心無覺無觀定生喜樂成
就二禪行比丘如是思惟此定正學正
生若一切正學正生已盡知是無常滅
法比丘如實知見斷一切諸漏心得解脫雖
未斷諸漏比丘以法欲法樂故斷五下分煩
惱於彼化生而般涅槃不還此世長者此是
一法如比丘不放逸勤念正智寂靜行心未
解脫得解脫諸漏未盡得漏盡未得無上安
隱得安隱復次長者如比丘離喜捨行念正
智身受樂如諸聖人解捨念樂行成就三禪
行比丘如是思惟此定正學正生若一切正
學正生已盡知是無常滅法比丘如實知見

斷一切諸漏心得解脫雖未斷諸漏比丘以
法欲法樂故斷五下分煩惱於彼化生而般
涅槃不還此世長者此是一法如比丘不放
逸勤念正智寂靜行心未得解脫得解脫諸
漏未盡得漏盡未得無上安隱得安隱復次
長者如比丘斷苦樂先滅憂喜不苦不樂捨
念淨成就四禪行比丘如是思惟此定正學
正生若一切正學正生已盡知是無常滅法
比丘如實知見斷一切諸漏心得解脫雖未
斷諸漏比丘以法欲法樂故斷五下分煩惱
於彼化生而般涅槃不還此世長者此是一
法如比丘不放逸勤念正智寂靜行心未得

解脫得解脫諸漏未盡得漏盡未得無上安
隱得安隱復次長者如比丘慈解心遍解一
方行南西北方四維上下一切慈解心廣大
尊勝無二無量無怨無恚遍解諸世間行比丘
如是思惟此慈解心正學正生若一切正學
正生已盡知是無常滅法比丘如實知見斷
一切諸漏心得解脫雖未斷諸漏比丘以法
欲法樂故斷五下分煩惱於彼化生而般涅
槃不還此世長者此是一法如比丘不放逸
勤念正智寂靜行心未得解脫得解脫諸漏
未盡得漏盡未得無上安隱得安隱復次長
者如比丘悲心遍解一方行南西北方四維

上下一切悲心廣大尊勝無二無量無怨無
恚遍解諸世間行比丘如是思惟此悲解心
正學正生若一切正學正生已盡知是無常
滅法比丘如實知見斷一切諸漏心得解脫
雖未斷諸漏比丘以法欲法樂故斷五下分
煩惱於彼化生而般涅槃不還此世長者此
是一法比丘不放逸勤念正智寂靜行心未
得解脫得解脫諸漏未盡得漏盡未得無上
安隱得安隱復次長者如比丘喜心遍解一
方行南西北方四維上下一切喜心廣大尊
勝無二無量無怨無恚遍解世間行比丘如
是思惟此喜解心正學正生若一切正學正

生已盡知是無常滅法比丘如實知見斷
切諸漏心得解脫雖未斷諸漏比丘以法欲
法樂故斷五下分煩惱於彼化生而般涅槃
不還此世長者此是一法如比丘不放逸勤
念正智寂靜行心未得解脫得解脫諸漏未
盡得漏盡未得無上安隱得安隱復次長者
如比丘捨心遍解一方行南西北方四維上
下一切捨心廣大尊勝無二無量無怨無恚
遍解世間行比丘如是思惟捨解心正學正
生若一切正學正生已盡知是無常滅法比
丘如實知見斷一切諸漏心得解脫雖未斷
諸漏以法欲法樂故斷五下分煩惱於彼化

生而般涅槃不還此世長者此是一法如比丘不放逸勤念正智寂靜行心未得解脫得解脫諸漏未盡得漏盡未得無上安隱得安隱復次長者如比隱復次長者如比丘離一切色想滅瞋恚想不思惟若干想成就無邊空處行比丘如是不思惟入此定正學正生若一切正學正生已盡知是無常滅法比丘如實知見斷一切諸漏心得解脫雖未斷諸漏比丘以法欲法樂故斷五下分煩惱於彼化生而般涅槃不還此世長者此是一法如比丘不放逸勤念正智寂靜行心未得解脫得解脫諸漏未盡得漏盡未得無上安隱得安隱復次長者如比

丘離一切空處成就無邊識處行比丘如是
思惟入此定正學正生若一切正學正生已
盡知是無常滅法比丘如實知見斷一切諸
漏心得解脫雖未斷諸漏比丘以法欲法樂
故斷五下分煩惱於彼化生而般涅槃不還
此世長者此是一法如比丘不放逸勤念正
智寂靜行心未解脫得解脫諸漏未盡得漏
盡未得無上安隱得安隱復次長者如比丘
離一切識處成就無所有處行比丘如是思
惟入此定正學正生若一切正學正生已盡
知是無常滅法比丘如實知見斷一切諸漏
心得解脫雖未斷諸漏比丘以法欲法樂故

斷五下分煩惱於彼化生而般涅槃不還此
世長者此是一法如比丘不放逸勤念正智
寂靜行心未得解脫得解脫諸漏未盡得漏
盡未得無上安隱得安隱復次長者如比丘
離一切無所有處成就非想非非想處行比
丘如是思惟入此定正學正生若一切正學
正生已盡知是無常滅法比丘如實知見斷
一切諸漏心得解脫雖未斷諸漏比丘以法
欲法樂故斷五下分煩惱於彼化生而般涅
槃不還此世長者此是一法如比丘不放逸
勤念正智寂靜行心未得解脫得解脫諸漏
未盡得漏盡未得無上安隱得安隱阿難說

已施舍長者言如人求一寶藏得十一寶藏
尊者阿難我亦是求一解脫入得十一解
脫入尊者阿難如長者子舍有十一門爲火
所燒猛焰熾盛長者長者子意欲出時於諸
門中自在得出尊者阿難我亦是於十一
法門中所欲出處隨意得出尊者阿難如邪
見婆羅門猶爲師求財供養師況聞正見而
不供養時施舍長者請毗耶離衆僧波多離
衆僧請已作種種餽饍以飯衆僧食充足已
或以履屣或以白氈萬張以施衆僧別以三
衣及好房舍奉上阿難是名十一解脫入

舍利弗阿毗曇論卷第十六

面

呼呬 下胡八 咽塞 一上於結反 馨嗽 下上苦頂反

嘔吐 上烏反 疔痛 上音 疥癩 反蘇到 瘡 反羊入 瘖 反

淫 上子鴛反 括燥 下上古活反 痔 反直里 腫 音之

蚤 上音 虱 音 蟻子 上音

